

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

Nunatsinni innarluutillit sullinneqarnerat Namminersorlutik Oqartussanit akisussaaffigineqarunnaarlutik januarip aallaqqaataanit 2011-imi kommuninit akisussaaffigineqalerput. Maanna ukiut pingasut akisussaaffiup kommuniiitinneqareernerani naliliinissaq pisariaqartinneqartoq malunnarmat ima apeqquteqassuunga:

- 1. Naalackersuisut nalilersuinissamik pilersaaruteqarpat?**
- 2. Nalilersuisoqarnissaanik pilersaaruteqartoqarpat, qaqugu nalilersuisoqassava?**
- 3. Suut nalilersorneqassappat?**

(Ruth Heilmann, Siumut)

Tungavilersuut:

Nunatsinni innarluutillit angajoqqaavisa peqatigiiffiata ”Inooqat” innarluutillit atugarisaat pillugit isumasioqatigiisitsereersoq, innarluutilinnut sullissineq sulii pitsaanerusumik ingerlanneqartariaqartoq saqqummiunneqartarpoq.

Tassuunakkut innarluutilinnut atugassarititaasut soorlu makku: Najugaqartinneqarnerisigut oqilisaannerqartarnerisigut, atuartinneqartarnerisigut, ilinniartinneqartarnerisigut, Inuiaqatigiinnullu Nunatsinni akuulersinniarneqartarnerisigut periarfissarititaasut innarluutillit pisariaqartitaannut naapertuunnersut nalilersuiffigissallugit pisariaqartinneqartoq malunnarlunnarpoq.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.